

Na none kandi,ku binyabiziga bifite imitambiko ibiri hagati ya za agisi hakaba hasumba metero imwe na santimetero 60 igice kirenga ku biziga by'ibyuma ntigishobora kurenza 65/100 by'uburebure buri hagati y'ibiziga by'inyuma n'iby'imbere naho ikirenga ku biziga ikirenga ku biziga by'imbere ntikirenza 55/100 by'ubwo burebure.

Iyo ikinyabiziga gifite imitambiko irenze ibiri,muri yo ikaba ikurikiranye ,uburebure buri hahati y'imipira y'inyuma n'iyi'imbere n'uburebure bw'ibice birenga ku mipira , bupimwa bahereye ku mitambiko iteganye .

Ingingo ya 58 :

Iminyururu n'ibindi byuma bishobora kuvanwaho cyangwa binagana hatabariwemo ibimenyetso byerekana ibyerekezo bigomba gufungirwa ku binyabiziga ku buryo igihe byizunguza bitarenga impande ziheza uburumbarare bw'ikinyabiziga .

Ibyo byuma bifashisha ntibigomba gukururuka ku butaka, **ibyo nyamara ntibibujijwe ku mashini zihinga no kubyerekeye iminyururu**

Ingingo ya 59:

Ku buryo budasanzwe kandi bunyuranyije n'ibivugwa mu ngingo ya 57 Minisitiri ushinze gutwara abantu n'ibintu cyangwa intumwa ze,ashobora igihe hari impamvu ikomeye cyane kwemerera kugenda mu muhanda ibinyabiziga byakorewe imirimo yihariye kandi bifite uburumbarare burenga ubuteganyijwe ntarengwa .

UMUTWE WA II : IMIZIGO

Ingingo ya 60 :

1. Imizigo ikinyabiziga cyikoreye igomba gupakirwa no gupangwa ku buryo idashobora :

- a) Guteza abantu ibyago mu rugendo
- b) Kwangiza mu rugendo inzira nyabagendwa ,impande zayo, ibiyubatsweho cyangwa umutungo uyikikije ;
- c) Kubuza umuyobozi kubona neza cyangwa kubangamira gufata ku muhanda cyangwa imiyoborere y'ikinyabiziga.
- d) Gukingiriza amatara, uturebanyuma two hanze, ibimenyetso byerekana icyerekezo, utugarura – rumuri,nimero ziranga ikinyabiziga cyangwa ibimenyetso umuyobozi yerekanisha ukuboko.

Imizigo igomba gupakirwa kandi iyo ari ngombwa ikazirikwa ku modoka ku buryo idashobora kugwa no gukururuka mu nzira nyabagendwa no kugwisha ikinyabiziga.

Ibintu byose byifashisha nk'iminyururu, amahema,n'ibindi bigenewe kuzirika imizigo cyangwa kuyirinda kwangirika ,bigomba kuyizenguruka ku buryo budanangiye .

2. Umuyobozi w'ikinyabiziga agomba gukora uko ashoboye kugirango imizigo itagenda ibomborana ku buryo bukabije .

Ingingo ya : 61

Uburumbarare bw'ikinyabiziga gipakiye yaba imodoka ,yaba ikinyabiziga gikururwa n'inyamaswa cyangwa romoruki hapimiwemo n'ibirenze ku mubyimba ntibushobora kurenga ingero zikurikira :